

profiteamur, ingluvie, luxuque conuiuiorum
 & comessationum, tum bestijs plerisque, tum
 hominum illis, qui religionis nostræ verita-
 tem vel olim, vel hodie non agnouerunt, su-
 mus deteriores. Sed Turcas nobis esse fruga-
 liores, Socratem in conuiujs nunquam am-
 plius quàm domi ingessisse: Lucillum trium-
 phalem senem in Capitolio epulantem, à ser-
 uo suo manu à patinis deducta temperantiæ
 admonitum, cui ille hanc de se præfecturam
 dederat: Epicurũ voluptatis patronum pane
 & aqua nonnunquam victitare solitum,
 quòd maiorem ex hac frugalitate volupta-
 tem quàm vel regijs epulis postridie se perci-
 pere dictitaret: & quod diuus Paulus ebrio-
 sis minatur, eterne beatitudinis eos neuti-
 quam fore participes: hæc & his similia alij
 declament. Ego me intra medicæ profes-
 sionis terminos continebo: nec aliud dicam, nisi
 morbos omnigenos grauissimosque, et quam-
 plurimos, ex hoc tanquam seminario pullu-
 lare. Nam si crapula & ebrietas ea in nobis
 mala concitant, quæ supra enumeravi: mul-